


Bandschub

Yg
6701


R



~~7 4300~~

40

*



Yg 6701R

Handwritten text in cursive script, possibly a signature or note.

Der bundtschū

Anno 1513 Jac

Diz buchlin sagt von dem bösen fürne

nemeder Bundtschüber/wie es sich angefengt/geendet vñ vñ kummen ist.

Figur des Bundtschū Figur des götlichen bündts gefi. 22.

v.N.



Ex
Bibl. Goth. Regia
Berolinensi.

932
155

(16)



Ein vortred in bündtschü

Sich betracht jetzund die welt/
Sind ich ein ding dz mir miß felt
Das ist die groß vngborsamkeit
Die in der welt ist wyt vnd breit
Niemandts me wil geborsam sin'
Ein jeder macht nach gduncken hin
Kein oberkeit sach man me an
Darumb es muß so ybel gan
Als wir hören von tag zu tag
Das ist worlich ein grosse clag'
So vyl zwitteracht als jetzund ist
Und sich erhebt zu aller fryst
By fürsten herren nit allein
Sunder in stetten ist gemein
Bier burget sind wider den rot
Bes mancher kumpt in grosse not
Uerlürt sin lyb/ eer vnd güt
Ungborsamkeit det nie kein güt
wo es sich wurtzelt in eur stat
Der policy gar bald gat
Bes gleich die buren vff dem landt
Wend jetz vngborsam sin allsant
Sie fiengen ee ein bündtschü an
Ob das sie wesen vnderthan
Niemandts me halten wil sin stot
Der bur dem edelman glich got
Und wirt die priesterschaft veracht
Ein jeder nun jetzund betracht
Wie eyr den andern vndertruck
All billichkeit schlecht man zu ruck
Ein jeder wer gern selber ber
Ben geystlichen bü man kein eer

Was gros-
sen vbels
vngborsam-
keit brägt

Die doch von got so hoch ist golt
Als an manchem ort geschribē stot
Ikein stand so hoch ich jetzund find
Allsand sie vnderworffen sind
Der priesterschafft solt nāmen acht
Got hat sie gordnet vnd gemacht

Luce. 5. c
Luce. 17. a

Das sie sond tragen vnser sünd
Din vffsetzē ich das klorlich find
Den got hat selber gmahet gesundt
Vñ im gebot zur selben stundt
Dem priester sich erzeigen sot
Darumb ich eüch in trüwen rot
Welcher wil gottes hulden han
Dar zū auch lang vfferden gan
Der biet den priestern zucht vñ eer
Von Christus nym ein güte leer

Mat. 10. c

Vnd straff sie nit an keinem ort
Im ewangelio hast wol ghoert
Der iunger nit vber sein meister ist
Duch lert er vnß in kurtzer fryst
Ob sie schon sind böß oder güte
Gegen in halt dich allzyt in hüt

Mat. 23. a

Dan er vnß do erzeigen wyl
Vff dem stül Moyßi lassen vyl
Schreiber vnd glifner solt verstan
Sind sie schon böß got dich nüt an
Ir obern sie solt straffen lan.
Witer solt du ouch mercken mer
Das sie kūmen von Noe her
Nach dem got ließ die welt zergon
Bliben vfferd nun acht person
Das was Noe mit sin geschlecht
Nach dē sindfluß merckē mich recht
Der hat dry sūn Sem Japhet Cham
Dobar diß welt den yrsprung nam

Der priester/adel vnd der knecht
Bis drey komen von Noe gschlecht
Behorsamkeit do ein vrsprung nam
Noe der hat ein sun hieß Cham
Do er eins mols lag vnde schlieff
Bar bald Cham; sinē brüder rieß |
Zeigt in wie er entblöset was
So bald Noe vermercket das
Was er in do verspottet het **Besi. ix. c**
Berüfft er sein brüder Sem Zaphet
Benediet sie all beid zū der stund
Bar nach er Cham verflüchen gund
Maledictus Cham er zū im sprach,
Sein boßheit er do an im rach
Nacht das er dar nach fürter hin
Nüßt liner brüder diener sin
Ouch in allzyt syn vnderthon
Do hat ist vns ghorlsamkeit kon
Und blibē ist vff dyßen tag
wie wol sie worlich fast gat ab
Bym Sem solt eben nemen war
Ist priesterschafft vns kommen bar
Und Zaphet solt eben nāmen acht
Hat sein groß tugend edel gmacht
Und dar nach vō der boßheit Cham
Als burensolck den vrsprung nam
Hat vns gebracht in disen ion
Was wir müssen sin vnderthon
Es sey geystlich weltlich on allē spot
Und wer vns geben ist von got
Der gwalt kumpt vns von oben ab **Joh. xix. b**
Als christus selber zūgnüß gab
Barumb jetzud nüt größers ist
Dan ghorlsamkeit zū aller fryst

- Luce. j. c** Hat gôt gebracht vß sinem thron
 Und die menscheit hat an sich gnou
 Duch saltu witer mercken das
 Ihesus allzyt gehorsam was
 Ioseph vnd der müter sin
 Als sie hatten verloren in
 Gütiglich gieng er mit in hein
 Behorsamkeit an Maria erschein
Luce. ij. a Als Cironis ließ ein gbot vß gon
 Maria die edle iunckfraw schon
 wie wol sie was schwanger vnd groß
 Bānocht der weg sie nit verdroß
 Vnd wolt dem gbot gehorsam sin
 Bar vmb ir liebsten fründe min
 Mōgen wir güt anzeigung han
 Das wir sollen sin vnderthan
Luce. xx. d Dem keyser vnd auch sin gebot
 wan got es selb gesprochen hot
 Dem keyser gend was im zū ghort
 Und got/da mit er vnß hat glert
 Behorsam sin zū aller fryst
 Als er dan selb gewesen ist
Matth. ij Und es gar wol erzeiget hot
 Ist ghorzam gsin bis in den todt
 Sit solche ghorzame hat geton
 Ihesus der do ist gottes son
 Gyl meer sollen wir sin bereit
 Zū schicken vnß zū ghorzamkeit
2. mach. 7 Als Matthatias sun hat gton
 Erwelt im ee in tod zū gon
 Ob er des fleisches essen wot
 Das do was wider gottes gbot
Gen. 37. c Ioseph sin vatter ghorzam was
 wie wol er sich des fast entlaf

Do er in schickt zun brüderm sin
Die er verclaget hat vorhin
Besiglych Hester Mardocheo war
Der sie erzogen hat manch iar bester. 2. b
Bes sie gnod gen Asswero sandt
So Fasthi wichen müst mit schand
Abraham groß ghorlsamkeit hat gto Besi. 22. b
Do er vff opffert sinen son
Bes im got gab ein grossen lon
Besegnet in vnd all sin gschlecht
Uß ghorlsamkeit mercken mich recht
Rechabite drücken keinen wyn Hier. 35. b
wan Jonas wer gehorsam gsyn Jone. 2. a
Het in verschlucket nit das meer
wan saul der künig gsin ghorlsam wer 1. Sa. x. a
wer im das künigrych nit genon
wan auch nit het der gottes man 3. reg. 13. d
Mit dem propheten gnod das brot
wer er vom löwen nit getodt
Umb das ein man sich selb vergas
Und an ein fyrtag holtz vfflas
ward er gefürt für Moysi dar
Und versteinet von der iuden schar
Unghorsamkeit mercken mit flyß
Stieß Adam vß dem paradyß Besi. 3. a
Und bracht die kinder von Israel
In Bbaraos gwalt vnd grosse quel Exodi. 1. b
Das sich Iherusalem widerspart
Dem gbot gots sie zerstöret ward
Nun hastu vyl der byspyl gnüg
Darumb gar eben für dich lüg
In ghorlsamkeit solt allzyt ston
So mag es dir nit vbel gon
Und wirt dir got geben den lon

Das ist geseit als in eyr gmein
Und auch ben buren nit allein
Sunder den burgern in der stat!
Das sie ghorfam sien dem rat
Und vff einander haben acht
So ist got by in tag vnd nacht
Psal. 126. Es sey dan das got beschirm ein stat
Ist verlor all büt die man do hat

S R F

Samphilns Gēgēbach

Mit me jetzund ist mein begär
Ob jenen eyr vom bundtschü wār
Dem do für kām diß schlecht gedicht
Bit ich er wels verachten nicht
So kumpt er nit in solche not
Als mancher jetz ist blibē todt
Unghorfami got yngstrofft nit los



Der ursprung des bundtschulz wie

sich der selb angefengt vnd vskommen ist.

Do man zalt nach der geburt vnser herren Jesu chri
sti. M. cccc. xiiij. jor. Hat sich begebē dz in ein dorff
genant Leben in dē pryßgōw gelegē. Ist gewesen ein brot
beck knecht mit namē Hieronymus/bürtig auß d̄ Etſch
vnd einander Jost frytz der houbtsächer vnd anfenger
des handels. Bis̄ zwen sind oft vnd dick zūsamen gan/
gen mit etlichen personen meer/geredt von dē bundtschū
wie sie den zū wegen brächten vnd in vff das aller glimpf
figest fürlegten do mit er ein fürgang het. Vnd ist das ir
fürgeben gewesen/wañ sie zū ein sind kummen der sie dar
zū füglich gedunckt/sind sie mit disen fürwortē an in kum
men/so ferr vnd er ein haling halten wolt/vnd in behilff
lich wolt sin/wolten sie im̄ ein ding sagen/das do götlich/
erlich im̄ vnd den sinen/vnd dem gantzen land nützlich
wer. Bar zū etlicher gesprochen. So das götlich vñ eer
lich wer wolt er in dar zū behilfflich sin. Also habē sie inē
den handel entblōst. Vnd ist diß ir meinung gewesen/dz
sie fürter hin keinen herrē me wolten habē vnd gehorsam
sin/dan allein den keyser vnd den babst. Zū dem andern
das holtz vnd wasser ouch alles gewild solt fry sin. Zū dē
dritten/das sie alle zins vnd gült so ir houbtgūt haben yn
genon abthūn/vnd fürter hin nit me verzinſen. Zū dē vier
den/wellen sie machē dz ein jeder priester nur ein pfründ
söll haben. Zū dem fünfften/wellen sie zins vnd gült der
klōster so sie zū vberflus habē zū iren banden nāmen/do
mit sie vnd ire kind dester bas̄ vskommen mögen. Zū dē
sächſſten/wellen sie das niemandt dē andern sol recht er
fordern dan vor sinem richter do er geſessen ist. Zū dem si
benden/wellen sie das alle ladbrieff/manbrieff/banbrieff
fürter hin nit mer sollen an genomen werden. Zū dē achtē
das das Rotwylisch gericht kein krafft meer sol haben.
Zū dem nunden alle die mit inen dran ſigen/wellen sie by


dem iren lassen. Zu dem zehenden/welcher sich wider ir
fürnâmen setz/wellen/sie zu tod schlagen. Die artickel vñ
etlich meer hie vff das kürtzest gesatz/ habē sie einander
vff der hartmatten für gehalten/ouch do ein houbtman/
fânrych vñ weybel gesatz. Un̄ ist obgemelter Jost frytz
der houbtsâcher houbtman wordē/vnd Jacob huser fân
rych/wie wol er sich des widert angesehē seiner armūt/vñ
es auch nie gebraucht het. Vff dz im̄ Jost frytz antwort/
wan ir fürnâmē ein fûrgang het wurd er wol bekleit wer
dē. Als er sich nū des ergab/leitē sie an ein stür zu dē fân
lin/Ratschlagten auch witer von dem wortzeichen so ei
ner zu dem andern kâm/vñ was das/das wortzeichen.
Güter gefell was ist din wesen/der armā mag nūmme ge
nesen. Doch ward nüt entlichs von disem wortzeichen
beschlossen. In disen dingen gieng Jost frytz vnd dz alt
vöglin von lehē gon Fryburg/vñ kamē zu einem moler/
vnd gaben im̄ das fânlin an ze machen/ Also das an dē
fânlin solt sein ein krutzefix/vnser frau vnd sant Johās/
vnd das zeichē des babst vnd keyfers/vndē ein pair vñ
peürin mit einē bundtschū mit guldnē riemē. Als nun d
moler hort von dē bundtschū erschrack er/vnd forcht es
gieng nit recht zu/wolt nüt mit in beschliessen/sun d̄ hieß
sie hār wider kümē/vñ bracht das witer/was aber Jost
frytzē bedauht/er macht sich dar van/biß gō Heltbrun/
do kam er zu ein moler sagt im̄ auch desiglych vō dē pa
ner/antwort im̄ der moler/ich hab alwegē gehōrt es soll
ein bundtschū vffstan/zū dē Jost frytz/nit also ich hab dz
verbeissen in kriegs leuffen/vnd wil es bringē vnser fra
wē gen ach/bin ein schūmachers sun/darūb ich wil ein
būdtichū dar in habē. Also ward der moler vberredt vñ
macht im̄ dz fânlin. ¶ In dylen dinge begab sich zū Bien
gen in dē Dryßgō w/dry draschen in einer schür/für wel
che ein byderb mā kam fragēde nach dē baurē des hauß
dem antwort einer vñ zeigt im̄ wo er in fund. Der ander
drösch ward zornig sprach/wie darfft du im̄ in ze yge./


weist nit ob er in gütē oder bösem fragt/ des im 8 biderb
mā antwort er fragte in keinem bösen/ Also gieng er hin
weg/ dyse zwen dröschē wörtleten so lang mit einander
yntz biß dz 8 so dē burē gezeit hat dē andern todc schlüg
macht sich dar von vnd kam gon eumeltingen in die mar
groffschafft/ kart do in des wirtzhuß in/ clagt do dē wirt
sein anligen/ fragend ob er do sicher wer/ dē der wirt ant
wort/ so verr niemandt kem der anruffte vmb recht wer
er sicher/ zū dē der dröschē sprach/ So verr vñ ich sicher
gleit bet vō minē gnädigen herrē/ wolt ich in ein ding sa
gen/ das sinē genodē vnd der gantzē landschafft nütz vñ
güt wār/ des antwort in der wirt/ das wolt er in zū sagē
fry sicher geleit zū im vnd wider an sin gewarnsami. Al
so fing er an vnd sagt vō dem bundtschū wie dan vor ge
hört ist/ vnd wie er auch einer wer/ vnd wo mans nit für
sach so wurd vff bienger kiltchwy ein grof folck zusamen
kon. Vff solichs der wirt sprach/ dō istest der wort gestō
vor minē gnädigen herrē/ als du sie mir do für gehalten
hast/ es ist nit ein kleine sach/ bedenck dich gar wol was
du redest/ ich wil dich ynerfert haben. Als es nun mor
gens begund tagē/ gieng der wirt zū dem dröschē vber
das bet vnd sprach/ güter gesel bystu auch noch ingedēck
der wort so dunächtin geredt hast/ vnd darffst mir der ge
stendig sin vor minē gnädigen herrē dē Marggraffen/ ant
wort der dröschē ia/ was ich nächtin redt red ich auch hüt
vnd wils auch also reden vor minē gnädigē herrē. Also
ging der wirt vnd der dröschē miteinander gen Rötelen
vff das schloß/ do dan zū dem selbē mol Marggroff Phi
lips von badē selb personlich war/ vñ sagt in der dröschē
die sach vō wort zū wort wie ers dem wirt hat gesagt/ dz
ich dar by laß blibē. ¶ Als nun Jost frytz als ein houbt
sacher des bundtschūß vnd houbtmā zū dickerm mol vff
der hartmatten mit sin gefellen gewesen/ doch allweg ir
meinung wān ir wurden. cccc. wolten sie die sach angryf
fen doch wolten sie. K. M. semlich ir fürnāmē fürhalten/

vnd so er sie dar by bandthabē/woltē sie yn für iren ober
berren haben/wer aber das selb nit/wolten sie ein gemey/
ne eydgnoschafft anruffen. In dem wurden die von Fry
burg gewarnt/die groß hüt hattē. Do das selb Jost frytz
vermerckt/berufft er sine gesellen wider vff die hartmattē
bielt inen für er söchte die sach wer vffkommen/dañ die
von Fryburg betten grosse hüt/dar vmb sie wolten jetzud
stil ston vnd nit witer handlen in irem fürnāmē/ Doch nā
er sie do in eyd ein beling ze halten. Als nun aber Adar/
graff Philips vō Badē vnd die von Fryburg etlich ge
fencklich annomē/weich Jost frytz/ Jacob bufer der sän
rych vnd siner gesellen noch einer/vnd komen gen liecht
stal vnder der herren von basel gebiet/do sie dan gefenck
lich wurden angenommen/Doch entran der recht houbtsā
cher Jost frytz/der da das sänlin by iin hat/vnd wurden
die zwen gon Basel gefürt vnd do gericht/Ben got gnā
dig vnd barmhertzig well sin. Gott wel auch all güt frum
byderb leüt behüten vnd beschirmen vor semlichem bö/
sem fürnāmē/vnd inē geben erkātnuß der geborsamkeit.

welcher vom Bundschü nit wil lon
Dem möcht es wol also auch gon
Als ma 1. isf armen hat gethon







Mr

4302

Biblioteka Jagiellońska



stdr0034477

Litt. VIII Fern

3, Poctne

Lic 16.

po 46, 6

